

INUIT ATAQATIGIIT

INATSISARTUNI



Ulloq, imm:UPA:2024/33

Illit atit:Pipaluk Lynge

Oqaluuserineqarfiata ullua:10.April.2024

Oqaaseqarfik: Uunga siunnersuut: **Uunga siunnersuut: "Nunalerinermik inuussutissarsiuteqarnermik siuarsaaneq pillugu Inatsisartut inatsisaat"** (Nunalerinermut, Imminut Pilorsornermut, Nukissiutinut Avatangiisinullu Naalakkersuisoq)

Nunalerinermik inatsisissat utaqqisimasarput kiisami suliarilerparput.

Inuit Ataqatigiinniit tamanna nuannaarutigaarpot pingaaruteqarluinnarmammi nunalerinermik inatsimmik ullutsinnut naleqquttumik nunalerinermik inuussutissarsiortortatta iluaqtigisinnaasaannik pilersitsinissaq.

Ullumikkut nerisassaqarniarkkut ingerlanerput nunanit allaniik tikisitanik annertuallaammik isumalluuteqarfiuvoq, nerisassat amerlanerpaartaat tunisassiartut pisiniarfinni, pisiassaasut tassaapput nunanit allaneersut, tamannalu ilungersunartuuvoq.

Inuit Ataqatigiinni isumaqarpugut namminersulernissatsinnut aqqutissat pingarnerpaat ilagigaat nunatta iluaniit ullumikkorniit annertunerujussuarmik nerisassaqarniarkkut nequiuppat naatitaappalluunniit annertunerujussuarmik immitsinnut pilersortariaqartugut.

Nunammi namminersortup innuttaasa nerisaat nunaminneersuunissaat pisariaqarpoq, nunanik allanik isumalluuteqarnerujussuaq annikillisartariaqarpoq.

INUIT ATAQATIGIIT

INATSISARTUNI



Nunatta iluani nerisassiorneq uumasuuteqarnermiit naatitsinermut annerusumik ingerlanneqalerpat nunatta iluani aningaasat kaaviaartut aamma amerlanerulissapput.

Inuit Ataqatigiinni immitsinnut pilersornerulernissarput pingaartilluinnarpapput, taamaammat imminut pilersornissamut naalakkersuisoqarfimmik pilersitsisoqarnikuovoq.

Nunalerinermik inuussutissarsiuteqarluni inatsisiliornermi eqqaanngitsoorusunngisara unaavoq, Ukioq manna savaateqarnermik inuussutissarsiuteqarluni aallartittoqarneraniit ukiut 100ut qaanngiupput, Kujataani nunaqarfinngorsimasumi savaateqarluni inuussutissarsiuteqarniarluni aallarniisup Otto Frederiksen- aalajangersimavoq inuialaarsuarmi savaatilittut inuussutissarsiuteqalerniarluni, maanna savaateqarnermik inuussutissasiuteqarneq kujataani kultorerigippuk oqaatigineqarsinnaavoq.

Ullutsinni savaatillit eqqaasagaanni assigiinngitsorujussuarnik atugaqarput ilaqpaput ingerlalluartunik, ilaqpullu ilungersuallutik ingerlasunik, savaateqarfimmi nunap qanoq issusaa, silap qanoq pissusaa, ilaatigut savaatillit 400 sinnerlugit savaateqaraluarlutik ingerlanerat ilungersunarsinnaasapoq, nunaminertamimi ivigartarfiusartumi pissutsit ingerlanerlunnermut patsisaasorujusuusinnaasarmata.

Siunnersuut utaqqisimasarput allanik aamma periarfissiimmat, nuannaarutissaqarpugut, Nunalerinermut periusissiaq 2021-2030-mut aallartippoq, nunalerinermik ingerlatsineq tamakkiinerusumik isiginiarneqarluni, taamatuttaarlu ingerlatseqatigiiffittut

INUIT ATAQATIGIIT

INATSISARTUNI



ingerlanneqarsinnaasunngortinniarneqarnera nuannaarutigaarpuit pitsaasumik inatsimmik ullutsinnut pisariaqartitanut naappertuuttumik pilersitsinissarput pisariaqarpoq, taamaaliorutta aatsaat immitsinnut pilersornermik annerusumik pilersitseqataasaagut.

Ataatsimiitaliami suliassaq oqaloqataaffiginissaanut, sulilu allanguutissaqassappat suleqataaffiginissaanut qilanaarluta, ataatsimiitaliamut susassaqartumut ingerlateqqipparput.

Qujanaq.